

8.oktober 2025

UKA 2025/32

Meeqqat pisinnaatitaaffii pillugit isumaqatigiisummut Kalaallit Nunaata nammineq qinikkaminik isumaqatigiissutip tapiliusnaanut 19. december 2011-mi peqataalernissaanut Inatsisartut aalajangiussassaattut siunnersuut.

(Meeqqanut, Inuusuttunut Ilaqutariinnullu Naalakkersuisoq)

Naalakkersuisup saqqummiusnaanut Siumumiit qujavugut. Imatut aalajangiiffigisassatut siunnersuut Siumuminngaanniit oqaaseqarfigisavarput.

Siumup pingaartittuarsimavaa meeqqat inuusuttullu inuunerannut pitsanngorsaaniissamik anguniagaqartuarnissaq. Malitsigisaanillu pingaaruteqartuaannarsimavoq nunatut ineriartortutut siunnerfeqarnitsinni meerartatta inuunerannut oqilisaaqataanissamik tikkuussiffeqartuarnissaq.

Inuiaqatigiinnimi pisuussutitta annersaat tassaapput meerartagut. Meerartattalu inatsisitigut illersugaaffeqarnerat pisinnaatitaaffeqarnerallu nalittorsartuarnissaat Siumumi pingaartutut isumaqarfigaarput.

Meeqqat Pisinnaatitaaffii pillugit pimoorussiumaneq ukiuni kingullerni ineriartorfiusimavoq, qujanartumillu aamma susasaqartut amerlanerit meeqqat pisinnaatitaaffiisa suunerinik paasititsiniaasarnarat annertuumik sammisarsimavaat, taamaammat qujaniarneq taakkununga aamma Siumumiit anngukkusupparput. Tamatumalu sulii malunnaatilimmik ingerlaavartumillu inerisarneqartuarnissaa Siumumiit peqataaffigiumallugulu pitsanngorsaaffigiumavarput. Pingaaruteqarluinnartuuvormi meerartatta inatsisitigut illersugaanerisa qaffasinnerpaaffimminiittuarnissaat. Pisussaaffik tamanna inuiaqatigiinni tamatta akisussaaffigaarput.

Tamattami anguniarparput anguniartuassallugulu meerartatta meeraanerminni pitsaasunik atugassaqartinnissaat, minnerunngitsumillu toqqissisimanartumik ineriartornissaat.

Siunnersuummi matumanerpiaq anguniarneqartut, tassalu kinaassusersiornani isumaqatigiisummut tapiliusaaq inunnut ataasiakkaanut imaluunniit inuit eqimattanngorlutik Meeqqap pisinnaatitaaffii pillugit Naalagaaffiit Peqatigiit Ataatsimiitsitaliaannut isumaqatigiisummik kannguttaatsuliorfigineqarneranik naammagittaalliorsinnaalersitsinissamut tungasoq aammalu Meeqqat Pisinnaatitaaffii pillugit Naalagaaffiit Peqatigiit Ataatsimiitsitaliaat nammineq sakkortuumik imaluunniit aqqissuussaasumik isumaqatigiisummik kannguttaatsuliorfiginneratarsinnaanernik misissuisinnaanernik periarfissaqalersinnaanermut tungasoq Siumumiit tamakkiisumik taperserpagut. Soorlu aamma ippassaaninguaq Inuit innarluutillit pisinnaatitaaffiitut tunngassuteqartut taamatut, tassalu



naammagittaalliorsinnaanernut periarfissaasa pitsanngorsarneqarnissaat annertusarneqarnissaallu periarfissinneqarnissaat suliarigipput.

Taamatut Siumumiit oqaaseqarluta siunnersuut tamakkiisumik taperserparput aammalu
Ilaqutariinnermut Peqqissutsimullu ataatsimiititaliami aappassaaniinnginnerani
suliareqqinneqarnissaa innersuussutigalugu.

Anders Olsen, Siumut